

B B527 AAB  
PARLIMEN - KRISTIAN R R R R

KUALA LUMPUR, 28 OKT (BERNAMA) -- SIASATAN KERAJAAN MENUNJUKKAN CUMA TIDAK SAMPAI 50 ORANG ISLAM TELAH DIKRISTIANKAN DAN MEREKA INIPUN BELUM MENERIMA SEPENUHNYA AGAMA KRISTIAN, PERDANA MENTERI DATUK SERI DR MAHATHIR MOHAMAD, BERKATA HARI INI.

BAGAIMANAPUN KEGIATAN GEREJA MENKRISTIANKAN BEBERAPA ORANG ISLAM INI TELAH DIHEBOH-HEBOHKAN SEHINGGA KONONNYA BERIBU-RIBU ORANG ISLAM TELAH DIKRISTIANKAN, KATANYA SEWAKTU MEMBERIKAN KENYATAANNYA DI DEWAN RAKYAT.

AKIBAT DARIPADA CERITA-CERITA YANG SENGAJA DIBESAR-BESARKAN ITU, IKLIM PERHUBUNGAN KAUM MENJADI LEBIH TEGANG, KATANYA KETIKA MELAPORKAN KEPADA DEWAN TENTANG PENAHANAN-PENAHANAN DI BAWAH AKTA KESELAMATAN DALAM NEGERI (ISA) YANG DIBUAT OPLEH POLIS SEJAK SEMALAM.

PERDANA MENTERI BERKATA SOAL ORANG ISLAM DIKRISTIANKAN TELAH SENGAJA DIBESAR-BESARKAN OLEH BEBERAPA ORANG UNTUK MENGAMBIL KESEMPATAN DARIPADA SUASANA SYAK-WASANGKA DI KALANGAN ORANG-ORANG ISLAM TERHADAP KEGIATAN ORANG-ORANG KRISTIAN.

SUDAH ADA TANDA-TANDA BAHAWA HASUTAN DARIPADA ORANG-ORANG TERTENTU TELAH MENOLONG MENINGKATKAN LAGI KETEGANGAN ANTARA PENDUDUK DI NEGARA INI, KATANYA. -- LAG  
1950MST 28 10 87

B B529 AAB  
PARLIMEN - KRISTIAN 2 KUALA LUMPUR R R R R

BELIAU BERKATA BAHAWA SEJAK ZAMAN BRITISH LAGI, SEGALA KEGIATAN PENDAKWAH KRISTIAN MENGEMBANGKAN AGAMA KRISTIAN DI KALANGAN ORANG-ORANG ISLAM ADALAH DILARANG.

PIHAK BRITISH MENGHORMATI PERJANJIAN DENGAN RAJA-RAJA MELAYU BERKENAAN DENGAN SEKATAN TERHADAP PENDAKWAH KRISTIAN ITU.

PERDANA MENTERI MENEGASKAN DALAM PERLEMBAGAAN MALAYSIA, TERDAPAT PERUNTUKAN UNDANG-UNDANG YANG MENEGAH PERKEMBANGAN AGAMA-AGAMA LAIN DI KALANGAN ORANG-ORANG ISLAM.

+KITA PERCAYA BAHAWA GEREJA-GEREJA KRISTIAN DAN PENDAKWAH MEREKA SEDAR AKAN LARANGAN INI DAN TIDAK AKAN MEMBUAT SESUATU YANG MEREKA TAHU AKAN MENYEBABKAN KETENTERAMAN NEGARA TERGUGAT,+ TAMBAH BELIAU.

GEREJA-GEREJA KRISTIAN BERHATI-HATI DALAM PERKARA INI DAN TIDAK CUBA BERDAKWAH DI KALANGAN ORANG ISLAM, TETAPI MALANGNYA ADA SEBUAH GEREJA YANG TELAH CUBA BERBUAT DEMIKIAN.

+MEREKA TIDAK BEGITU BERJAYA. HANYA BEBERAPA ORANG SAHAJA YANG DILAHIRKAN SEBAGAI ORANG ISLAM YANG TERPENGARUH DENGAN MEREKA DAN MEREKA ITU MEMPUNYAI MASALAH PERIBADI ATAU Mencari KESEMPATAN,+ KATANYA. -- BERNAMA

1959MST 28 10 87